



11 April 2011

KENYATAAN AKHBAR

Pihak kami telah dimaklumkan mengenai beberapa kes penipuan oleh beberapa individu yang mendakwa diri mereka sebagai kakitangan atau kontraktor TNB yang menyasarkan penduduk luar bandar.

Individu-individu tersebut memakai pakaian seragam yang mempunyai logo TNB dan meminta orang awam dan pemilik rumah untuk memberi bayaran pendahuluan dengan alasan bahawa pihak Kerajaan akan membuat bayaran balik melalui bil bulanan.

Kerajaan tidak pernah memberi kuasa atau kebenaran kepada mana-mana Kementerian atau agensi untuk menjalankan projek sebegini. Kerajaan juga tidak pernah mewajibkan pemilik rumah untuk membiayai perkhidmatan pendawaian dalaman melainkan deposit sambungan meter sebanyak kira-kira RM100.

Sungguhpun begitu, terdapat kes-kes terpencil dimana caj sambungan akan dikenakan sekiranya lokasi rumah adalah jauh daripada talian servis perkhidmatan.

Adalah penting untuk makluman umum bahawa perkhidmatan pendawaian dalaman TIDAK termasuk didalam skop program bekalan elektrik luar bandar.

Sebagai pihak yang bertanggungjawab terhadap Program Transformasi Kerajaan (GTP) dimana NKRA Mempertingkat Infrastruktur Luar Bandar merupakan antara teras utama, PEMANDU memohon kepada sesiapa yang telah didekati oleh pihak yang tidak bertanggungjawab ini untuk membuat laporan di balai polis yang berdekatan.

#